

पात्र

महाराणा परताप

अमरसिंघ

भील सिरदार

सेरू (अक भील)

भामासा

चार सिरदार

: भाखरा र बीच में

: पर भात

: बीस भिनट

: तलवार तीर कबाण, सोने चांदो सू भरियोड़ी चार

राखियाँ

: जंगल नै भाखर

सैटिंग

देस भगत भामासा

—डॉ. आशाचन्द्र भण्डारी

पैलौ दरसाव

(भाखरा र बीच में महाराणा परताप मुंडो उतराया बैठा है। पाखली बाळक अमरसिंघ बैठी बैठी आसू पाई है।)

परताप—अमर—

अमर—दाता !

परताप—यू आंसू क्यूं ढाळै बैटा ?

अमर—काठी भूख लागी है दाता ! अबे तो भूख नी सैयीने ।

परताप—चितीइ री मेवाड़ी राजकंवर, यू भूख सूं डरै ?

अमर—नी दाता ! म्हे भूख सूं नीं डरूं पण—

परताप—कालै रात रा थारा बूसा अक रोटी टक नै राखी हो, वा कठै गई ?

अमर—वा रोटी ती भिनकौ लेयाँ, दाता ! म्हे नै बूसा भिनका नै काढण री धणो कोसिस करी पण सेवट रोटी उठानै ले ईज गयाँ ।

परताप—(गप्पीर बणने) हूँ—

अमर—हां, जै ईज ती हाल तक म्हे भूखी हूँ ।

परताप—खैर, की बात नी बैटा ! कालै रात रा ती रोटी खाईज ही के ?

अमर—हां दाता ! कालै ती म्हे आधी रोटी खाई ही ।

परताप—जैड़ी इकलिंग जी रो मरजी । यू कालै आधी रोटी ती खाई ही, पण म्हे नै थारा बूसा कितरा दिना रा भूखा हां । टा है धने ?

अमर—हां दाता ! म्हे नै सैग टा' है । आप चार दिनां रा भूखा हो । (थोड़ी चार चुप रैने) दाता ! आखती पाखती जाय नै सौटू कठैई फळ फूल कै कंदमूळ मिळ जावै ती ?

परताप—जा बैटा, जा—भाग भरोसै—(अमर सिंघ जावै । परताप उदास मन, मुंडो लटकाया विचार करता हुवै ज्यू बैठा है । थोड़ीक चार पछै)

परताप—हे भगवान ! कैड़ीं बिखौ न्हिकियाँ है ? टावर भूखां मरै । औ म्हासू कोकर देखीजे ? (थोड़ी बार चुप रैवै) तुरकां रौ अवार सामनीं कर सकूं जको जावै कोनीं । जे म्हे अटै ईज रैऊं ती उणरा सिरदार म्हे नै अटै जक नीं लेवण है । किणीं तरै सू जे म्हे अकबर रै राज री सोव सूं वारै निकळ जाऊं ती थोड़ीक चैन मिळै नै जुद्ध री सावळ विचार कर भी सकूं । पण—पण कठै जाऊं ? (तिलाइ माथे हाथ फेरै नै विचार करै) अरे ! हां, टीक याद आयौ । सिंध नदी रै कांठै सिंधियां रै राज में जाऊं परी ।

(भील सिरदार नै सेरू भील आवै)

सिरदार—जै हो मेवाड़ रा धणी री ।

परताप—ओ ! भील सिरदार ! आवौ आवौ ।

सिरदार—महाराणा ! आज आप किण बिचार में उळझियोड़ा बिराजिया हो ?

परताप—दूजो कई बिचारू ? अबे म्हारो अटै घणौं टै रणौं दोरो ई व्हे ।

सिरदार—क्यूं ? बस—हिमत हरा दिरावोला कई महाराणा ?

परताप—हिममत हाराण रौ सवाल नहीं है, सिरदार ! अटै रैयनै इण बखत पुगलां तौ समानी कर सकुं ओड़ी औकात अबार म्हासी नी है ।

सेरू—बात तौ साची पुरमावौ हौ, महाराणा ।

परताप—नै फेर इण नैना सा बाळकिया नै तो दो दिन तक भूखौ रैवणौ पड़े ।

सिरदार—आप भी तौ चार दिनां सूं को नी अरोगिया हौ, अन्दाता ।

परताप—(बात टाळ नै) सिरदार ! ओड़ी सुरगां जैड़ी जनमभोम छोड़तां म्हासी हिवड़ी फटै । जिकी जनमभोम म्हासी पाळण पोसण कियो, जिणरी सुतंतरात रै खातर म्हे इजरी लड़ियो, इतय दुख भोगिया, उण जनमभोम नै ओड़ा दुखां में छोड़ने जावतां म्हासी काळजौ टुकड़ा टुकड़ा हवै । (आंसू टपकै)

सिरदार—पण कियो कई जावै, अन्दाता । इण सिवाय कोई दूसौ उपाय भी तौ नी दोसै ।

सेरू—महाराणा ! म्हे आपनै अकेला नी जावण दूं । म्हे भी आपरै साथै चालूला ।

परताप—नी बीरा, नी । जे थूं म्हासै साथै चालैला परौ, तौ पछै अठारा संदेसा म्हेनै कुण भेजैला ?

सेरू—क्यू ? सिरदार तौ अटै है ईज ।

परताप—भाई ! माझणौ दुख क्यूं झेलै ? थूं सिरदार रै साथै ईज रै, सिरदार नै मदद मिलैला ।

सिरदार—अन्दाता ! म्हासै किणी तरे से मदद नी चाहिजै । ओ आपरै साथै रै 'ई तौ सा रौ ईज लागेगा ।

सेरू—सिरदार ठीक कैवै, अन्दाता ।

परताप—वा जरै, यू ईज करौ कै ओ म्हासै साथै चालै नै—

सिरदार—म्है अटै ईज रैऊं ।

परताप—हां जनमभोम ! मां, थनै छेल्ला परणाम ! (हाथ जोड़ै) मां ! थनै ओड़ा बिछा में छोड़ता म्हासी काळजौ बीरीजै है । पण कई करू मां ! थनै इण बिपदा सूं

छुटकारी दिसावण रै खातर ईज जाऊं हूं । मां ! थनै बंदवू लाख लाख परणाम ! (आँखियां माथ सूं आंसू री लड़िया बैवै ।)

सेरू—(अकदम, लिताड़ माथै हाथ धरनै आथी आती चीज देखलौ कै ज्यु महाराणा !

सेरू—वो उंटीनै आथी थकौ कई घुड़सवार आवता क्हे ज्युं दीखै ।

सिरदार—(देख नै) हां महाराणा, घोड़ौ अंटीनै ईज सरपट आवतौ दीखै ।

सेरू—अबै तौ असवार साव नैड़ौ आयग्यौ है ।

परताप—अरे ! ओ तौ भामासा है । सार्ग चार सिरदार भी है ।

(भामासा चार सिरदारों रै साथै आवै । चारां रै खंवां माथै चार भाते भरकम रीखिया लटकै है ।)

परताप—आवौ, भामासा ! आवौ (भामासा हाथ जौड़ै)

भामासा—घणौ खमा, अन्दाता ! जै इकलिंग जी री ! जै हौ मेवाड़ रा घणौ री ! परताप—जै इकलिंग जी री ! अबार इण बखत नै अटै कीकर आवणौ हुवौ साह जी ?

भामासा—आपरै चरणां में ईज हाजर हुवौ हूं बाप जी !

परताप—बोलौ, बोलौ, म्हासै लायक—

भामासा—महाराणा ! म्हे सुणियो है कै आप मेवाड़ छोड़ नै पधार रया हौ । आ बात साची है कई ?

परताप—हां भामासा ! आ बात साव साची है । अबै म्हेनै मेवाड़ रौ त्याग करणौ ईज पड़ैला ।

भामासा—पण क्यू ? इण में मेवाड़ री नाक जावै, महाराणा !

परताप—साह जी ! आज तक म्हे घणौ ई हिममत राखी । अबै पण म्हासै कनै नी तौ धन है नै नी सिपाही—

भामासा—आपरै बिना मेवाड़ अनाथ क्हे जावैला, अन्दाता !

परताप—भामासा ! उण अकबर नै तौ बापा रावळ रै वंस री इज्जत लेवण सूं मतळब है । थनै इण में कई ? थै तौ आणंद सूं रौ ।

भामासा—कैड़ी कड़वी बात पुरमायदी, अन्ताता । रूख री जड़ काटियां पछै डाल सबती रैवै ? आप तौ यूँ दुख भोग नै फिरता फिरै नै म्है आणंद री वंसरी बजावां ? औं आछै लागै ? म्है कि भा मुंडा सूं सुख भोगां ?

परताप—पण इण में ओतराज कई है, भामासा ?

भामासा—ओतराज ? इण सूं मोटी ओतराज फेर कई हूँ सकै, कै मेवाड़ री आन, पान नै मरवाड रौ रूखाळी पर छोड़ नै दर दर भटकै, नै म्हे अटै तुरकां री पगालियां चाट नै जिन्दगी बितावां ? ओंड़ा जीवणा बिचै तौ मरणौ चोखो । म्हारी ओक अरज मानौला, म्हारा धणी ?

परताप—आ कई को साहजो ? धांरी कोई भी बात म्है आज तक टाळी है ?

भामासा—(गिड़ियां घर नै) तौ महाराणा ! औं धन आपरै चरणों में अरपण करूं । ओगीब्री ।

परताप—आं कीकर हूँ सकै, दीवाणा ? धांरी सेवा रै बटलै म्हारै हाथ सूं ईज दियोड़ी धन इणीज हाथ सूं पाछै लेऊ ? आं नी हूँ सकै ।

भामासा—महाराणा ! मेवाड़ री धरती आपरी ओकला री नहीं है, म्हारी भी जनमभोग है । ओ धन आप नै नी, जनमभोग नै अरपण करूँ हूँ । जनमभोग री मुगती नै रिच्छा रै खातर जे म्हारी धन काम में नहीं आवै तौ ओंड़ा धन नै राख नै म्है कई करूँ ? धुड़ बाराबर है ।

परताप—(गिड़ियां गळगळी करला) भामासा ! म्हारा क्वाला दीवाण

भामासा—नी महाराणा जी ! आप अवै ना नी कर सकौ । आप बचन दियौ है । यां रूखियां में इतरी धन है कै पचीस हजार सिपायां रौ खरचौ वारै बरस तक चाल सकै । आपनै लेवणौ ईज पड़ैला ।

परताप—भामासा ! धे नी मानौ । म्हने औ धन साचमाच लेवणौ ईज पड़ैला । धिन है उण कोखनै जिणमें धे जनम लियौ । धांरी ओ त्याग जगत में अमर रैवैला । (ऊभा हुय र बाघ पर नै भेटै)

भामासा—इणनै आप त्याग कौ अन्ताता ? हरगिज नहीं । औ त्याग बिलकुल नी है । औंड़ी कपूत नै नीच इण संसार में कुण हुवैला जिकौ मां जनमभोग री रिच्छा रै खातर—मुगती रै खातर—भी धन नी देवै नै दौलत नै सैठी करनै राखै ?

परताप—(गळगळ के नै) म्हारै कनै कीं नी है, दो बोल भी नी है । किण बिध धारै गुणां रौ बजाण करूं ?

भामासा—म्हारा मालक ! अवै पाछा मुड़ी नै म्हारी मां री बेडियां तोड़ण रा सरतन करावौ ।

सरदार—महाराजा ! पाछा मुड़ी ! भामासा रा इण त्याग सूं मेवाड़ जीत नै दिखावौ ।

सगळा—धिन है भामासा ! धांरी छाती नै धिन है ।

सिरदार—महाराणा ! जटै तक भारत री धरती माथै औंड़ा नर-रतन ऊभा पगां है, उटै तक अपांणी सुतन्तरता सा भी कोई करड़ी निजर सूं देख भी नी सकै ।

परताप—खरी बात है ।

सगळा—धिन है देस-भगत भामासा नै ! धिन है त्यागी भामासा !

(पड़तौ पड़ै)